

新刻張太岳先生文集

新刻張太嶽先生文集卷三十七

謝

召見疏

先該臣以祇役 山陵回還中暑致病具奏請假調理本月十九日辰刻忽聞中使傳奉 聖旨宣召臣入 皇上御平臺 命臣至寶座前 親渙玉音云先生爲 父皇陵寢辛苦受熱又以 國家事重命臣只在閣調理不必給假臣叩頭承 旨訖復奉皇上親諭云凡事要先生盡心輔佐且追述 先帝之言加以忠臣之獎臣感激涕零不能仰視因伏奏

臣叨受 先帝厚恩親承 顧命敢不竭力盡忠以  
圖報稱方今 國家要務惟在遵守 祖宗舊制不  
必紛紛更改至於講學親賢愛民節用又君道所當  
先者伏望 聖明留意蒙 皇上親答云先生說的  
是臣只奏目今天氣盛暑望 皇上在宮中慎起居  
節飲食以保養 聖躬茂膺萬福蒙 皇上親答云  
知道了與先生酒飯喫隨 頒賜銀五十兩紵絲四  
表裡內蟒龍斗牛各一疋臣叩頭祇謝而出欽此臣  
竊惟 召見輔臣題 祖宗朝盛事 先帝臨御六  
年淵穆聽政屢經羣臣奏復俱未蒙 賜允天下臣

或仰望此舉殆非一日我 皇上甫登寶位方在妙  
齡卽慨然發自淵衷修明曠典此誠 上下交泰之  
期 宗社萬年之福也而臣愚乃得首逢其盛可不  
謂非常大幸哉但念臣起自草茅行能無取當 先  
帝踐祚之初卽拔真 密勿之地及 龍馭上賓之  
日又恭承 憑几之言茲遇 皇上紹統疑基更新  
理化自揣位高才薄方欲以不能而止而 皇上迺  
曲憐舊物俯鑒樸愚 特御內臺 宣臣入見得以  
密通 天光親聆 溫獎夫恭閱 山陵臣之分也  
而 皇上以 父皇之重過憫其勞俾之在閣調理

代言備問臣之職也而會卒奏對之言皆蒙 優納  
而 禁帑駢蕃之錫尤出常規以上異恩有一于此  
皆足爲當世希豔而臣愚一旦兼得之其何以仰答  
睿知副此千載一時之盛際哉臣聞古所稱爲輔弼  
大臣者在于贊成君德又安海內責任甚鉅固非臣  
愚所能稱塞 上意而人臣之道必秉公爲國不恤  
其私乃謂之忠臣少受父師之訓于此一字講明甚  
熟迨登仕籍以來業業操持未嘗有墜今伏荷 皇  
上天語諄諄思若父子自非木石能不奮勵臣之區  
區但當矢堅素履罄竭獻爲爲 祖宗謹守成憲不

敢臆見紛更爲 國家愛養人才不敢以私意用  
舍此忠 皇上之職分也仍望 皇上思 祖宗締  
造之艱念 皇考顧遺之重繼今益講學勤政親賢  
遠姦使宮府一體上下一心以成雍熙悠久之治臣  
愚幸甚天下幸甚

奉

聖旨覽卿奏謝知道了禮部知道

兩宮尊號議

今日伏蒙 皇上召臣至 平臺 面諭臣曰 皇  
后是朕嫡母 皇貴妃是朕生母 尊號上先生可

多加幾字欽此臣仰見我皇上大孝根心純切懇  
至臣連日方欲以此上請但以 大行皇帝尊謚大  
禮尚未生晟故未敢先請茲蒙 面諭臣不勝悚仄恭  
惟 聖母皇后儷體 先帝表正宮闈 聖母皇貴  
妃誕毓 聖躬翊宣坤教 恩隆罔極 德並無疆  
誠宜各極其 尊稱乃可仰慰乎 聖孝但係 國  
家重大典禮臣之愚昧豈敢擅專伏乞 勅下禮部  
會同多官參考前代禮文仰稽 祖宗故事議擬具  
奏容臣再加斟酌上請 聖裁庶足以光昭 一代  
之盛典仰成 皇上之大孝乎

今

聖旨禮部會同冬官議擬來說

謝

賜玉帶疏

今日該文書官尚文口傳。聖旨先生忠心爲國。特賜光素玉帶一圍。齋捧到閣。臣謹叩頭祇領。訖。伏念臣猥以虛庸。早參密勿。屬真主龍飛之始。首文僚振鷺之班。依乘偶會于風雲。遇合深投于魚水。皇上念臣才雖猶衆。心實無他。嘗恭承憑几之言。可不孤負宸之託。內臺賜見兩廡。綸綍之溫。



中禁分珍屢拜篚筐之稠登其期異數存逮微  
踪 獎以忠心已荷隻字袞袞之重 錫之鞶帶更  
驚萬釘玉質之輝追琢其章溫潤而栗龍精炳朗  
渙頒寵踰于緇衣虹彩紛紛祇翫光騰於紫閣顧惟  
謗管冒此 殊恩感奚啻於九遷懼實深於三褫臣  
謹當比德於玉用書諸紳道不下視而自存必匪躬  
乃可報 主帶則有餘而若礪一舉手不敢忘  
惟俯彈犬馬之忱庶仰荅 乾坤之造

看詳禮部議

兩宮尊號疏

伏蒙 發下禮部一本內稱會議 兩宮尊號謂前  
代禮文典制不同稱謂無據仰稽我 祖宗舊典惟  
天順八年 憲宗皇帝尊 嫡母皇后爲 慈懿皇  
太后 生母皇貴妃爲 皇太后則與 今日事體  
止爲相同但於 嫡母特加二字而於 生母止稱  
皇太后則尊尊親親之別也然今 恩德之隆旣爲  
無間則 尊崇之禮豈宜有殊且臣居正恭奉 尚  
諭欲兼隆重其禮各官仰體 孝思亦皆樂爲將順  
今擬 兩宮尊號於 皇太后之上各加二字並示  
尊崇庶於 祖制無愆而於 聖心亦慰又謂 先

朝母后徽稱有加至四字六字八字者皆因 朝廷  
有大慶典以漸致隆如大婚禮成 誕生皇子之類  
其初則止於二字乃定制也今 聖母福壽無疆  
皇上萬年御曆將來吉祥喜慶之事將層見叠至  
尊號徽稱有加無已固不在此時之驟增也臣居正  
愚昧仔細看詳各官所議揆之情禮似爲允當伏望  
聖明裁酌俯從衆議先期奏聞 二聖母並加 尊  
稱以成 大孝

禮部奉

聖旨這典禮既經多官會議停當 兩 聖母徽號

依擬於 皇太后之上並加二字以盡朕尊尊親親至情內閣擬來看

請

諭戒邊臣疏

臣看得北虜連年款塞目前雖若安寧然虜情叵測戒備宜謹况今 國有大故或啓戎心隆慶元年之事可爲鑒戒臣愚伏望 特勅兵部令其行文各邊總督鎮巡等官秋防在邇比常務要倍加儆備庶可未保無虞亦以見 皇上臨御之初留心邊事蓋鼓舞振勵之一機也臣謹擬 勅稿上進伏乞 聖明

裁定發下書寫於初六日 早朝發行 皇帝勅諭  
兵部 朕荷 皇天眷命嗣承大統內治既定外備  
宜嚴目今邊患雖寧未可恃爲無事爾兵部便行文  
與各邊總督鎮巡等官秋防伊邇今歲事體比之常  
年倍宜謹備選將練兵積餉修守等項事務都要着  
實舉行如有因循怠玩沿習舊套以致債事的都拿  
來治以重罪决不輕宥你部裏亦要常差的常人負  
偵探邊事虜情從實奏報以俟朝廷處畫如或朦朧  
誤事一體重治不饒欽哉故諭

遵

諭自陳不職疏

該吏部都察院節奉 聖諭朕初嗣大位欲簡汰衆  
職圖新治理兩京六部等衙門四品以上官俱着自  
陳去留取自上裁欽此臣仰惟 皇上渙發德音式  
序在位欲剔殺盡以新化理意義甚盛然臣愚竊以  
爲官有崇卑則稱有難易任有大小則責有重輕今  
百司庶府之官所分理者一事耳卽有不稱亦不過  
一肢病耳若 閣臣之職上以輔養 君德贊理  
萬幾下以表率百僚兼綜庶務一有不稱則化機爲  
之壅窒庶事爲之隳墜其爲害豈特一肢之病而已

哉徵時厚幸受先帝付託之重荷皇上知遇之隆非不欲捐糜此身以圖報答奈臣性質闇昧學術空疎雖不敢逞小智以紊舊章而綜理劇繁力有不逮雖不敢昵私交以樹黨與而老成英俊薦拔未周雖不敢怙權勢以便身圖而水旱盜賊之時聞吏治民風之未善徒切憂惶一籌罔効是臣奉職無狀之明驗可見於此矣乃濫竽政府六年于茲品秩驟躡于孤卿封屢屢叨於前後則今閣臣之中冒倖忝竊者又莫甚於臣也夫易一棖不若得一棟評衆臣不若簡柄臣今皇上於百司庶府之官旣已

一一而評汰之矣乃政本之地不加精覈非致理之  
要也伏望 皇上念 內閣為機衡之地愚臣為不  
職之尤 特賜罷免以儆曠眾別求賢哲以充任使  
則大小臣工咸知自勵而於 新政亦為有補

奉

聖旨卿元輔重臣公忠端慎勲望素隆中外具瞻朕  
茲嗣位方切倚託宜益展謀獻贊成新治所辭不允  
吏部知道

請

戒諭羣臣疏



茲者大小臣工自陳考察俱已竣事一時朝政始  
覺更新但人心陷溺已久宿垢未能盡除若不特  
行戒諭明示以正大光明之路則衆心無所適從化  
理何由而致臣等謹擬勅諭一道具稿呈覽伏  
乞聖明裁定發下寫完用寶於本月十六日  
早朝特召吏部官捧出集百官於午門外宣諭  
施行

皇帝勅諭文武羣臣 蓋聞理道之要在正人心勸  
阻之機先示所向朕以冲幼獲嗣丕基夙夜兢兢若  
臨淵谷所賴文武賢臣同心畢力躬予寡昧共底昇

平乃自近歲以來士習澆漓官方利缺錯閱隙竇巧  
爲躡取之媒鼓煽朋儔公事擠排之術詆老成廉退  
爲無用謂諛佞便捷爲有才愛惡橫生恩讎交錯遂  
使朝廷威福之柄徒爲人臣酬報之資四維幾至於  
不張九德何由而咸事朕初承大統深燭弊源亟欲  
大事芟除用以廓清氛濁但念臨御茲始解澤方覃  
鈔劔或及於芝蘭密網恐驚乎鸞鳳是用去其太甚  
薄示戒懲餘皆曲賜矜原與之更始書不云乎無偏  
無黨王道蕩蕩無黨無偏王道平平朕方嘉與臣民  
會歸皇極之路爾諸臣亦宜翦前宿垢共襄王道之

成自今以後其尚精白乃心恪恭乃職毋懷私以罔  
上母持祿以養交母依阿洪忍以隨時毋啻沓翁訛  
以亂政任輔弼者當協恭和衷毋昵比於淫朋以塞  
公正之路典銓衡者當虚心鑑物毋任情於好惡以  
開邪枉之門有官守者或內或外各宜分猷念以濟  
艱難有言責者公是公非各宜奮謨直以資聽不大  
臣當崇養德望有正色立朝之風小臣當砥礪廉隅  
有退食自公之節度幾朝清政肅道泰時庫用臻師  
師濟濟之休歸於蕩蕩平平之域爾等亦皆垂功名  
於竹帛繇祿廕於子孫顧不美歟若或沉溺故常堅

守塗轍以朝廷爲必可背以法紀爲必可干則我  
祖宗憲典甚嚴朕不敢赦百爾有位宜悉朕懷欽哉  
故諭

乞崇 聖學以隆

聖治事

竊惟自古帝王雖具神聖之資尤必以務學爲急我  
祖宗列聖加意典學 經筵日講具有成憲用能恢  
弘治理坐致昇平仰惟 皇上睿哲天成 英明神  
授自昔 毓德春宮令聞已彰於四海茲者 光膺  
大寶 臨朝聽政動容出辭無一不中於禮節用人

行政無一不當乎人心中外臣工歡欣仰戴皆以  
皇上爲不世出之主若從此再加學問之功以講求  
義理開廣聰明則太平之業可計日而待也臣等謬  
以菲陋職叨輔弼伏思培養君德開導聖學乃  
當今第一要務臣居正又親受先帝顧託追惟  
憑几之言亦惓惓以講學親賢爲囑用敢冒昧上  
請今一應大典禮俱已次第修舉時值秋涼簡編  
可近伏望皇上思先帝付託之重勤始終典學  
之功乘此清秋將講讀令典亟賜舉行以慰天  
下臣民之望臣等又查得弘治十八年該大學士劉

健等以 孝宗皇帝山陵甫畢題請先行日講至次年二月始開經筵奉 武宗皇帝聖旨依擬行今先帝梓宮在殯服色不便比及 山陵事竣時已迫冬 殿庭高曠亦難 臨御合無照弘治十八年例勅下禮部於八月中旬擇日請 皇上於 文華後殿先行 日講容臣等叅酌 累朝事宜定擬簡便儀注及講讀人員恭請 聖裁其經筵會講俟明春首舉行庶 聖德日益 聖治日隆而臣等犬馬圖報之忱亦可少效於萬一矣臣等不勝惓惓願望之至

奉

聖旨覽卿等奏具見忠愛八月擇吉先御日講經筵  
候明春舉行禮部知道

請酌定

朝講日期疏

竊惟講學勤政固明主致治之規保護聖躬九臣  
子愛君之悃今開講期近臣等伏念皇上日  
每視朝朝後又講似於聖體太勞恐非節宣之  
道若論有益於身心有裨於治道則視朝又不如  
勤學之爲實務也臣等愚見欲乞皇上每月定以

三六九日 視朝其餘日俱 御文華殿講讀非大  
寒大暑不輟講習之功凡 視朝之日卽免講 講  
讀之日卽免朝服 聖體不致太勞而 聖德亦爲  
有益臣等未敢擅便謹擬傳帖上 進伏乞 聖明  
裁覽 發下禮部遵行

傳帖

聖旨朕方在諒陰哀慕深切日臨朝政心實未安今  
後除大禮大節并朔望陞殿及遇有大事不時宣召  
大臣諮問外其常朝每月定以三六九日御門聽政  
餘日俱免朝參只御文華殿講讀其一應謝恩見辭



人負遇免朝之日止於午門外行禮畢卽各供職事  
不必候補大祥之後還照舊行禮部知道

擬

日講儀注疏

照得

日講期近臣等謹查照

累朝事例酌擬儀

注開坐上

請伏乞

聖明裁定

勅下臣等遵行

計開

一伏覲

皇上在東宮講讀大學至傳之五章尚書

至堯典之終篇今各於每日接續講讀先讀大學十  
遍次讀尚書十遍講官各隨卽進講畢各退

一講讀畢 皇上進煖閣少憩司禮監將各衙門章  
奏進上 御覽臣等退在西廂房伺候 皇上若有  
所諮問乞卽 召臣等至 御前將本中事情一一  
明白敷奏庶 皇上睿明日開 國家政務久之自  
然練熟

一覽本後臣等率領正字官恭侍 皇上進字畢  
若 皇上欲再進煖閣少憩臣等仍退至西廂房伺  
候若 皇上不進煖閣臣等卽率講官再進午講  
一近午初時進講通鑑節要講官務將前代興亡事  
實直解明白講畢各退 皇上還宮

一每日各官講讀畢或聖心於書義有疑乞卽下問臣等再用俗說講解務求明白

一每月三六九視朝之日暫免講讀仍望皇上於宮中有暇將講讀過經書從容溫習或看字體法帖隨意寫字一幅不拘多寡工夫不致間斷

一每日定以日出時請皇上早膳畢出御講讀午膳畢還宮

一查得先朝事例非遇大寒大暑不輟講讀本日若遇風雨傳旨暫免

辭免

恩命疏

節奉 手勅吏部朕嗣承大統內閣輔臣翊贊効勞  
茲特加恩少師兼太子太師吏部尚書建極殿大學  
士張居正加授左柱國進兼中極殿大學士還廕一  
子尚寶司司丞照新銜給與誥命欽此仰惟 皇上  
光纘丕圖 恩隆逮下 覃敷大賚首及弼臣此千  
載一時之盛際也臣敢不祇承 休命仰副 聖心  
但念臣猥以凡庸受知 先帝早蒙 親簡 擢實  
鼎司官品驟躡于孤卿 封廕累叨於前後逮我  
皇上嗣位以來 鑒臣忠實無他被以晉接之榮託

以首輔之重 獎褒 賜賚卓越前聞臣夙夜省循  
如夢如覺未知何緣際此 殊寵伏惟 乾坤高厚  
雖捐糜此身不足以仰酬其萬一矣乃今特屢 綸  
綍禮數愈隆既 錫以加勲進殿之榮又重以隆典  
綸章之渥 舊恩未報 新寵存臨將使微臣何修  
何爲可以稱塞何顏何面可以堪承况左柱係文品  
等階而中極乃殿學峻秩在 先朝名德猶不敢居  
豈臣之駑愚可容忝竊至若符臺世賞以待有功臣  
有何勲庸僥此厚倖夫能薄而位高則易有覆餗之  
虞勞微而獲厚則詩有伐檀之刺臣雖極愚自重甚

雷若不揣分于止足必將速咎于顛隳此臣所以扣  
天踏地震懼而不寧者也伏望 皇上憐臣福分已  
過將至災危 察臣控辭甚真非有矯飾 特回成  
命俾守舊官庶 朝廷名器之隆不致濫予而臣子  
分義之正亦獲少安

奉

聖旨卿勸講春宮粥餚贊新政獨秉公忠茂宣勞勩特  
加恩數用示眷酬宜承成命不必過辭吏部知道

再辭

恩命疏

昨奉 手勅以閣臣翊督効勞加恩臣謬叨輔首蒙  
被獨隆該臣具疏辭免奉 聖旨卿勸講春宮彌贊  
新政獨秉公忠茂宣勞勸特加恩數用示眷酬宜承  
成命不必過辭吏部知道欽此臣捧誦 綸音仰悉  
皇上體念臣工微勞必錄臣卽宜遵奉徐圖稱塞但  
臣反覆思惟於分甚非所宜於心實不能安用敢不  
避煩瀆再申前悃臣惟 朝廷慎重名器必自貴近  
始所以示大公也人臣雖竭方效勞不敢言功所以  
昭大分也往者 皇上毓德春宮臣備員 內閣提  
調講讀乃其常職何功之有焉及 皇上應期撫運

光膺大寶臣受先帝顧託之重夙夜兢兢惟以不  
克稱塞是懼於凡大禮大政皆遵率祖宗典  
祇奉皇上英斷臣不過鞠躬仰成于下而已又何  
功之有焉乃昨承明詔既蒙翊贊之褒茲奉溫  
綸又荷公忠之獎殊榮異數叠至薦臨帝眷宸  
恩愈隆益渥力輕於鴻毛而任重於泰山恩深於  
滄溟而報微於涓露臣朝夕省循誠不自知其歿所  
矣臣聞賞僭則濫及匪人知足乃免於殆辱然賞疑  
惟重在明主不失厚下之仁而履盛忘危在人臣必  
致與濟之咎臣所以跼蹐震慄屢控而不止者非以



辭榮也乃以避咎也伏望 聖慈俯鑒愚誠 特垂  
愈允收回 成命使服舊官則 皇上知臣之深寃  
臣於罪九遷不爲榮百明不爲重而臣居於百僚之  
首有地容身亦可以紓誠効力圖報於萬一矣

奉

聖旨卿受遺輔政有安定社稷之功勲脩未足以酬  
豈可過爲遜免宜勉承眷命以副朕懷不允所辭吏  
部知道

三辭

恩命疏

昨奉 手勅加恩閣臣臣自以勞微 賞重分不自  
妄再疏辭免奉 聖旨卿受遺輔政有安定社稷之  
功勲廕未足以酬豈可過爲遜免宜勉承眷命以副  
朕懷不允所辭吏部知道欽此臣詞不宣心莫回  
天聽過蒙 眷獎彌切冰兢然臣所以屢控而不止  
者非以沽名也竊有欵悃之愚敢終爲 皇上陳之  
臣惟明君以禮使臣榮其身不若行其志大臣以身  
率物有諸已乃可求諸人臣謬以庸愚荷蒙 皇上  
眷遇優隆信任專篤 寵以師臣之禮日承晉接之  
榮每事必諮有言必聽是臣之志已行願已遂矣卽

使臣職居冗散列在庶僚亦足以震耀一時垂聲千載況臣官品已極涯分已逾但懼福薄不能承受耳又何敢過冒非分之 恩以速必然之咎耶此臣自揣分義如此臣又聞古語云朝廷之上讓而處下民猶犯禮晉之大夫范宣子讓其下皆讓載之前史以爲美譚故大臣者民之表也仰惟 皇上臨御之初將振舉綱維作新化理頃奉 勅諭勉大臣以崇養德望飭小臣以砥礪廉隅臣忝爲大臣卽不能樹德隆望挽回師濟之風亦宜思砥行矜名恪守廉隅之節若覲顏濫冒不知止足則瘵素之罪臣實尸之貪

進之戒臣先犯之何以率先百僚表正頹俗亦非  
皇上所以振勵臣工之意也臣抱此二端日夕悚仄  
用敢冒昧屢懇仰瀆宸嚴伏望皇上曲察愚誠  
特垂俞允則不惟愚臣微分獲以少安其於聖明  
新政亦爲小補

奉

聖旨朕知卿性篤忠貞不因爵賞而勸但勲庸酬功  
係累朝盛典原非過制卿宜以成命爲恭不必固  
執謙讓所辭不允還着寫勅獎諭風勵臣工賞銀一  
百兩大紅紵絲蟒衣一襲彩段四表裡該衙門知道

四辭

恩命疏

昨該臣三疏辭免勲蔭 恩典奉 聖旨朕知卿性  
爲忠貞不因爵賞而勸但勲蔭酬功係 累朝盛典  
原非過制卿宜以承命爲恭不必固執謙讓所辭不  
允還着寫勅獎諭風勵臣工賞銀一百兩大紅紵絲  
蟒衣一襲彩段四表裡該衙門知道欽此又該文書  
房官張孝兩次到閣口傳 聖旨欲臣領受臣祇奉  
細音愈增慚悚無地自容念臣素性朴愚耻爲文飾  
若徒務庶讓之迹至於瀆擾 君父以欺世盜名則

其罪尤大又臣所不敢爲也但自揣分義萬分不能  
自安故屢控 宸嚴冀申愚款前後所奏字字皆出  
於肺腸句句直陳其悃悃詎意犬馬之誠不能動天  
錫予之隆更出望外既不解其所已有又復益其所  
本無是在愚臣則叨冒之中愈爲叨冒在 朝廷則  
加恩之外重復 加恩矣 國家馭臣之柄與人臣  
自處之道豈不兩失之乎且 賜勅獎諭蓋以臣爲  
廉而獎之以示勸也若使臣既不得遂其辭讓之私  
又冒此非分之獲則臣爲貪夫矣貪會得之人獎于何  
有獎貪以勸廉猶郤行而求前也揆之事理未見其

順參之公論必以爲非此臣所以寧冒煩瀆之罪而不能覲顏承受者也伏望 皇上鑒臣愚誠 恕臣萬死將前項 恩數俯容辭免是 皇上知臣之深信臣之篤九鼎百朋不足以喻其榮重矣粉骨捐軀不敢忘報

奉

聖旨卿屢辭恩命詞意懇至謙讓之風足勵有位茲特准辭以成卿勞謙之美勅諭賞賚照前旨行該衙門知道

謝

賜勅獎賞疏

今日伏蒙 聖恩特遣文書房官內官監太監劉大用 頒賜獎諭 勅書一道銀一百兩大紅紵絲蟒衣一襲衫段四表裡齊捧到臣私寓臣謹焚香叩頭祇領訖草疏冒陳方懼干乎 嚴譴 恩綸賁錫乃曲荷乎 優嘉精鏐頒 御府之珍衫服出 尚衣之製聲傳望開光動簪紳臣猥以庸流被茲 殊寵 衮職無一字之補 璽書屢十札之褒感與愧并懼 將榮至臣謹當祇承 獎訓矢竭愚忠崇讓獎恬倡 百辟和衷之義鞠躬盡瘁贊 一人垂拱之休



山陵禮成奉

慰疏

臣於十八日伏奉 欽命前詣 昭陵恭題 穆宗

莊皇帝神主至卽恭叩 玄宮見其精固完美有同

神造 寶城三面俱完工甚堅厚及周視山川形勢

結聚環抱比之前日考卜之時更覺佳勝誠天地之

與區帝王之真宅也十九日辰時奉遷 梓宮入

皇堂行題 主禮畢奉安於 獻殿未時掩 玄宮

是日又喜天氣澄爽人物昭融祇役臣工無不欽忭

仰惟我 大行皇帝仁厚之德貫徹宇宙故得 天

人恪任事事美成可以上慰 兩宮聖母永慕之誠  
仰成 皇上慎重大事之孝矣臣伏思數日之間  
聖心必爲懇切爲此除候回京之日另行復 命外  
謹先具題奉 慰以聞

奉

聖旨覽卿奏 皇考梓宮已入 皇堂大事克襄足  
慰我 兩宮聖母哀念朕心深用嘉慰卿爲國忠勤  
始終備盡朕知道了禮部知道

纂修事宜疏

昨該臣等題 請預定纂修 實錄官員奉 聖旨

是禮部知道欽此除欽遵且題外臣等又惟事必專任乃可以圖成工必立程而後能責效查得隆慶元年六月初一日開館纂修世宗肅皇帝實錄經今六年尚未脫藁雖屢屢先帝聖問迄無成功任總裁者恐催督之致怨一向因循司纂修者以人衆而相推竟成廢閣臣等日食大官之饌茫無一字之補素餐曠職實切兢慚然揆厥所由皆以未嘗專任而責成之故也蓋編撰之事必草創修飾討論潤色工夫接續不斷乃能成書而其職任緊要又在於副總裁官領掌部事則有簿書綜理之繁直經幃則有

侍從講讀之責精神不專職守靡定未免顧此失彼  
倏作忽輟是以歲月徒悠而績效鮮著也今兩朝  
並纂二館齊開若不分定專任嚴立限程則因循推  
捱其弊愈甚臣等看得吏部右侍郎兼翰林院侍讀  
學士諸大綬禮部左侍郎兼翰林院侍讀學士王希  
烈原係世宗肅皇帝實錄副總裁官今查各館單  
彙俱已纂完但未經修飾二臣雖任部堂止是佐理  
尚有餘功及左春坊左諭德兼翰林院侍讀申時行  
右春坊右諭德掌南京翰林院事今行取王錫爵職  
任宮坊事務尤簡皆可以專心著作之事合無責令

諸大綬王希烈專管纂修 世宗肅皇帝實錄申時  
行王錫爵專管纂修 穆宗莊皇帝實錄日每俱在  
史館供事仍立爲限程每月各館纂修官務要編成  
一年之事送副總裁看詳月終副總裁務要改完一  
年之事送臣等刪潤每年五月間臣等卽將纂完稿  
本 進呈一次十月間又 進呈一次大約一月之  
終可完一年之事一季之終可完三年之事從此漸  
次累積然後成功可期其餘副總裁等官陸樹聲等  
或理部休暇相與討論或待 講優閒令其補湊不  
必責以程限不致兩妨各館纂修官務以職業爲重

公家爲急不得別求差假圖遂私情書成之日分別  
叙錄但以效勞多寡爲差不復計其年月久近如此  
庶人有定守事易考成在各官可免汗青頭白之議  
而臣等亦得以逭曠職素殮之咎矣此雖纂修一事  
而國家用人之理綜覈名實之道實寓於斯伏惟  
聖明裁斷 勅下臣等遵行再照 皇祖歷世四紀  
事蹟浩繁編纂之工卒難就緒 皇考臨御六年其  
功德之實昭然如日中天皆諸臣耳目之所睹記無  
煩蒐索不假闕疑但能依限加功自可刻日竣事合  
無不拘 朝代次序俟 穆宗莊皇帝實錄纂成之

日容臣等先次進呈却令兩館各官併力俱纂  
世宗肅皇帝實錄則兩朝大典可以次第告成矣  
奉

聖旨這纂修事理都依擬行卿等還宜督率各官上  
緊用心編纂用成兩朝大典稱朕光昭前烈之意  
該衙門知道

謝

賜貂鼠疏

伏蒙皇上念臣等日侍講讀時值冬寒特賜  
臣居正貂鼠皮六箇臣調陽貂鼠皮二箇臣等謹頓

首祗領訖仰惟 皇上天縱睿資 日新聖學雖值  
泛嚴之候尚勤 講習之功臣等但愧經術空疎無  
裨啓沃敢以風寒奔走自愛髮膚豈意 聖慈曲垂  
軫念珥貂 寵錫 恩尤重於解衣 溫綉傳宣煖  
已逾於挾纊 宋祖開疆重武遠頒介冑之臣今  
明主稽古右文 特賜章縫之侶茲爲 曠典實邁  
前聞臣等敢不罄竭悃誠夙恭夙夜敷陳仁義之道  
必見效於日就而月將簡求侍從之儒期不至於十  
寒而一暴

辭免筵宴疏



先該禮部題本月二十六日開館纂修 穆宗莊皇帝實錄查得 累朝舊例先於本部 欽賜筵宴次日入館今次監修等官亦合照例筵宴奉 聖旨是欽此臣等竊照纂修 賜宴固 累朝盛典但今玄象垂戒伏聞 皇上在宮中齋心露禱減膳徹樂又 特諭百官痛加修省臣等夙夜皇皇方切兢惕豈敢爲此飲食宴樂之事非唯於禮有不可於心亦實有不安也且一宴之資動至數百金省此一事亦未必非節財之道伏望 皇上儆鑒臣等愚衷 特免賜宴只於二十六日照常開館供事以少見臣等

兢懼不敢自寧之誠臣等無任惶恐竢命之至

奉

聖旨卿等以修省辭宴具見慎畏准辭免辨禮部知道

議處黔國公沐朝弼疏

伏蒙 發下兵部三法司會議原任雲南總兵官黔國公沐朝弼罪狀一本內稱朝弼罪惡顯著法應處死臣等看得朝弼稔惡有年 世宗皇帝時卽欲奪問重處但以其元勳後侍未忍卽寘於法止於罰任祿米隆慶二三年間屢經撫按及科道官論劾先

帝亦不忍加刑止令革任閒住朝弼乃不知感恩  
省改作惡愈甚謀害親子擅殺無辜揆其情罪處此  
不枉但其始祖三世皆有大功於國家曾關給鐵  
券子孫許免一死非有反逆實跡似應稍從寬宥待  
以不死庶爲情法之中夫因其有罪而遽問之既足  
以破奸宄之膽念其先功而寬釋之又足以彰肆赦  
之恩 國法 皇仁兩得之矣

兵部法司奉

聖旨你每說的是沐朝弼屢抗明旨積惡多年擅殺  
無辜情罪深重本當依律處死但念元勳世裔姑從

輕着草去冠帶爲民押發南京隨任還着內外守備衙門羈管何文等併蔣福等撫按官問擬具奏

謝

御筆大書疏

茲者伏蒙 皇上親灑 宸翰 賜臣居正元輔大

字一幅良臣大字一幅臣調陽輔政大字一幅臣等

恭捧 天章不勝欽戴仰惟 皇上天縱睿資 日

勤聖學至於操觚染翰雖作聖之餘功亦莫不究其

精微窮其墨妙一點一畫動以古人爲法臣等每侍

幃幄輒欣仰欽服不能自己茲者所 賜大至盈尺

張太岳文集

卷三十七

廿六

運筆尤難乃裁自 聖心不由摹擬比之常日所書  
更爲佳妙且筆意道勁飛動有鸞翔鳳翥之形信所  
謂 雲漢之章翰墨之寶也顧臣等淺薄謬蒙 眷  
獎恭覩之餘欣愧交至謹各摹臨入梓懸扁居第晨  
夕瞻仰如對 天顏其 御書真蹟當什襲珍藏永  
爲世寶

再謝

御書疏

伏蒙 皇上親灑 宸翰 賜臣爾惟鹽梅大字一  
幅汝作舟楫大字一幅該文書房官王宦恭捧到閣

臣謹叩頭祗領訖仰惟 皇上聖哲風成 英明天  
挺必得名世俊入之佐乃為格心啓沃之資臣猥以  
虛庸謬膺 簡任雖葵忠自許心恒切於傾陽而奮  
力難勝懼每深於履薄乃蒙 皇上真諸左右託以  
股肱前既承良臣元輔之褒茲復荷舟楫鹽梅之寄  
渥恩踵至 眷顧彌隆 寶墨淋漓宛降從於天上  
瓊章燦爛忽光動於人間卓然雲漢之昭回矯若鳳  
鸞之翔翥 寵榮洵被感愧交并臣敢不景行前修  
對揚 休命孜孜納誨罔少懈於夙宵汲汲求賢式  
欽承乎 德意期少効濟川調鼎之用庶以答 天

哥也厚之恩

新刻太嶽張先生文集卷三十八

進

帝鑑圖說疏

臣等聞商之賢臣伊尹告其君曰德惟治否德亂與治同道罔不興與亂同事罔不亡唐太宗曰以銅爲鑑可正衣冠以古爲鑑可見興替臣等嘗因是考前史所載治亂興亡之迹如出一轍大抵皆以敬天法祖聽言納諫節用愛人親賢臣遠小人憂勤惕厲卽治不畏天地不法祖宗拒諫遂非侈用虐民親小人遠賢臣繁樂怠傲卽亂出于治則雖不階尺土一民



之力而其興也勃焉出于亂則雖藉祖宗累世之資  
當國家熙隆之運而其亡也忽焉譬之佩蘭者之必  
馨飲醜者之必殺以是知人主欲長治而無亂其道  
無他但取古人已然之迹而反已內觀則得失之效  
昭然可睹矣仰惟 皇上天縱英資 光膺鴻寶

孜孜誦習懋殷宗典學之勤 事事講求邁周成訪  
落之軌海內臣民莫不翹首跂足想望太平臣等備  
員輔導學術空疎夙夜兢兢思所以佐下風效啓沃  
者其道無跡竊以人求多聞事必師古顧史家者流  
三慮千百雖儒生皓首尚不能窮豈人主一日萬幾

所能通覽乃屬講官臣馬自強等畧做伊尹之言考  
究歷代之事除唐虞以上皇風玄邈紀載未詳者不  
敢采錄謹自堯舜以來有天下之君撮其善可爲法  
者八十一事惡可爲戒者三十六事善爲陽爲吉故  
用九九從陽數也惡爲陰爲凶故用六六從陰數也  
每一事前各繪爲一圖後錄傳記本文而爲之直解  
附於其後分爲二冊以辨淑慝仍取唐太宗以古爲  
鑑之意僭名歷代帝鑑圖說上呈 睿覽昔班伯指  
圖屏以諫意專戒懲張九齡千秋金鑑一書詞涉隱  
諷今臣等所輯則媿惡並陳勸懲斯顯譬之薰蕕異

器而臭味頓殊水鏡澄空而妍媸自別且欲觸目生  
感故假像於丹青但取明白易知故不嫌於俚俗雖  
條目僅止百餘而上下數千載理亂之原庶幾略備  
矣伏望 皇上俯鑒愚忠 特垂省覽視其善者取  
以爲師從之如不及視其惡者用以爲戒畏之如探  
湯每興一念行一事卽稽古以驗今因人而自考高  
山可仰母忘終簣之功覆轍在前永作後車之戒則  
自然念念皆純事事合理德可媿於堯舜治將埒於  
唐虞而千萬世之下又必有願治之主效忠之臣取  
皇上今日致治之迹而繪之丹青守爲模範者矣

隆慶六年十二月十八日奉 聖旨覽卿等奏 見  
忠愛懇至朕方法古圖治深用嘉納圖冊留覽還宜  
付史館以昭我君臣交修之義禮部知道

謝銀幣疏

昨該臣等以所輯 帝鑑圖冊 進呈 睿覽回蒙  
天語嘉納隨又節奉 聖諭卿等進帝鑑圖冊於君  
道其有裨益賜元輔居正銀五十兩行絲四表裡以  
示朕嘉獎忠悃之意欽此伏念臣猥以迂踈謬蒙  
知遇雖無伊尹致其君必爲堯舜之學實有魏徵勸  
其王力行仁義之心故每因事以納忠蓋以責難而

爲敬顧葵藿徒屢於傾嚮而消埃何補於崇深豈

竒 聖明 特重鑿獎 恩綸溫綉已踰華袞之褒

彩幣精鏤更拜尚方之錫 寵榮薦被感愧交并履

厚戴 高知報酬之無地鞠躬盡瘁惟捐殞以爲期

明制體以重 王言疏

竊照閣臣之職專一視草代言故其官謂之知制

誥若制詞失體以致輕褻 王言則閣臣爲不職

矣謹按舊規凡官自應給 誥勅該部題奉 欽依

手本到 閣撰述官先具稿送臣等看詳改定謄寫

進呈候 批紅發下撰述官用關防掛號然後發中

書舍人寫軸用 實此定制也至於 制命之詞實  
在簡嚴莊重乃爲得體查得成化弘治年間 誥勅  
叙本身履歷功績不過百餘字祖父母父母及妻室  
不過六七十字至於 慶典單恩則其詞尤簡蓋以  
恩例槩及比之考績不同故以 賚被爲榮不必詳  
其閱歷此 制體也近年以來俗尚干求詞多浮靡  
撰述官沿襲宿弊往往不候 進呈先將文稿傳示  
於人其中詞語又過爲誇侈多至數百千言或本無  
實行虛爲頌美或事涉幽隱極力宣揚臣等方欲爲  
之更定而本官已先得稿登軸矣夫 誥勅者 朝

廷所以告諭臣下者也臣諛其君猶謂之佞况以上  
諛下是何理乎查得嘉靖十二年該大學士張孚敬  
等題爲重 誥勅事奉 世宗肅皇帝聖旨卿等所  
言足見敬慎至意近年以來委的誥詞之文浮泛誇  
譽至於數百甚非制體甚非王言今後都着刪去浮  
詞以存實體欽此又該本官題爲前事奏論 制勅  
房辦事大理寺評事岳梁撰擬南京兵部尚書陶琰  
贈官 誥文浮詞誇誕又不先送 內閣看詳輒便  
進呈等因奉 世宗肅皇帝聖旨卿等另撰誥文來  
看岳梁騁賣浮詞蔑視制辭不遵前旨着法司提了

問欽此比時嘉靖初年 誥勅之文視成化弘治雖  
爲稍繁然尚未如近年之甚也竊以禮貴從先辭尚  
體要况 命令之辭乃一代典制傳之四方垂之後  
世所關非小此係臣等職掌不容不爲釐正伏乞  
皇上念 朝廷體統之當尊 國家典制之當守  
勅下臣等 戒諭各撰述官自今以後凡爲 制誥  
必須復古崇實毋得徇情節辭以壞 制體及文字  
未經 進呈亦毋得預行傳示以市私交如此庶  
王言重 國體尊而臣等亦得以守其常職矣奉  
聖旨卿等說的是今後誥勅文字都着刪去浮詞務



崇本實各官撰完送閣卿等還要仔細看詳改定乃  
可進覽如有仍前徇情飾辭及不候進呈預行傳示  
的照例叅來處治該部知道

請開 經筵疏

去年八月內該臣等題爲乞崇 聖學以隆 聖治  
事奉 聖旨覽卿等奏其見忠愛八月內擇吉先御  
日講經筵候明春舉行禮部知道欽此今年正月  
初五日奉 聖諭初七日開日講諭卿等知之欽此臣  
等恭照 經筵 日講皆所以仰成 聖德講明治  
道在戎 祖宗列聖自有成規去年臣等因 山陵

未畢歲事將終故請 皇上先御 日講次開 經  
筵荷蒙 聖明卽賜允行後值隆冬 講讀不輒茲  
於年節假內卽已 諭開日講臣等仰見我 皇上  
惕勵之誠法天行健 緝熙之學與日俱新誠 宗  
社萬萬年無疆之慶也但 經筵盛典亦宜次第舉  
行且在 廷臣工久切快覩之望伏乞 勅下禮部  
遵照 前旨於二月內擇日具儀肇舉 令典其合  
用知 經筵同知 經筵及侍班講讀執事侍儀等  
官容臣等查照舊規議擬上 請仰候 聖裁施行  
庶勸講之禮旣不廢於 公庭造膝之言又日陳於

左右 聖功已密而益密 聖德日新而又新矣  
萬曆元年正月初十日奉 聖旨是禮部知道

廣東奉捷辭免 加恩疏

今日早該臣等恭侍 皇上講讀畢伏蒙 面諭以  
兵部覆廣東奏捷本謬及臣等運籌効勞欲加陞廕  
臣等自愧無功當卽面奏辭免又蒙 皇上再三獎  
諭以 先朝舊典必欲另行擬票臣等仰見 天恩  
隆重未敢面違謹承 旨叩頭而出隨具揭瀝誠控  
辭未蒙 俞允茲又蒙 聖諭備東積寇蕩平皆卿  
等贊謀廟堂致無遺策功當首論擬初來行欽此臣

等祗奉 綸音愈切惶懼竊惟論功行賞者 朝廷  
之大典視草演綸者儒臣之常職比者嶺寇蕩平實  
仰仗我 皇上天威遠播及督臣將士協心奮力所  
致臣等官居 禁近職在代言旣無親冒矢石之勞  
又非典司戎旅之任雖曾參 帷幄之末議借前箸  
以効畫皆仰遵 廟謨幸而微中豈敢貪冒 天功  
覬叨懋賞且人臣有難報之恩無必酬之勞臣等備  
貢輔弼仰戴 高厚卽拍糜此身猶不足以報荅其  
萬一况今陰陽失調旱沴爲虐閭閻寂寞盜賊公行  
皆臣等奉職無狀所致方惶恐俟罪之不暇又何敢

僥偶逢之幸以掩不職之尤冒非分之 恩以重忝  
竊之咎哉 明主馭下施一槩之平亦不宜獨私親  
近橫予濫及以失遠方將士之心乖 朝廷激勸之  
義也臣等反覆思惟心悚背汗所有 加恩勅諭  
不敢擬伏望 皇上俯鑒愚誠 特停前命俾臣等  
獲安微分免於罪愆則 聖明體諒之恩雖九遷之  
榮十世之賞不足以喻其隆赫矣節奉 聖旨卿功  
在社稷乃勞謙不有立足臣極朕心甚嘉特賜卿銀  
一百兩紵絲六表裡蟒衣一襲稍示酬報之典宜承  
恩眷慎勿又辭內鹽給

謝堂樓額名并 賜金疏

昨者臣以恭建樓堂尊藏宸翰不揣輕微妄以額  
名上請伏奉 聖旨覽卿奏具見忠敬樓名與做捧  
日堂名純忠工部製扁差官懸安朕知卿素秉廉節  
特賜御前銀一千兩少給工費卿宜承命勿辭欽此  
隨又蒙 皇上親灑宸翰 特降手勅諭元輔朕以  
卿純忠爲 社稷有捧日之功故以爲堂樓名卿其  
欽承之故諭欽此及又 頒賜御筆大字二幅對句  
一聯 特遣文書官尚文恭捧到臣私寓臣謹叩首  
祇領訖璇題昭揭既黏 制墨之新寶寔煥頒復荷

賜金之渥光騰里第榮動朝紳切念臣猥以謏材濫  
居首輔 龍飛虎變幸逢千載之期 鳳煇鸞迴屢  
拜十行之劄顧惟蓬華懼藏 謨訓以非宜爰就枌  
榆特建樓堂而祇奉及是經營之始僭求勝額之懸  
何意 聖明卽垂矜允謂臣躬扶 景運頗殫捧日  
之勤察臣志抱樸愚知慕純忠之節遂紆 神畫肇  
錫嘉名 瓊翰輝煌焯彼雲章之麗 玉音諄復蔚  
焉袞字之褒猶曲軫乎小簾乃 特頒乎大賚兼金  
千鎰出 內庭麟襲之奇廣廈萬間遂寒士帡幪之  
願昔馬周之遇唐主但承給宅之恩若方平之任宋

朝僅賜文儒之字如臣所際振古未聞茲蓋伏遇我  
皇上英資天縱  睿學日新煥乎堯文闡乾坤經緯  
之秘康哉舜績追明良喜起之風遂令一介之末蹤  
獲玷  九重之庥命美增輪奐江山藉以光華彩溢  
圖書珠璧森其布列臣敢不式嚴琬寫瞻  天奉咫  
尺之威載謹家藏奕世作雲仍之寶尚當覲名思義  
純心奉公就  日雲霄勉罄丹忱于葵藿輸忠  社  
稷矢堅素履于冰淵

萬曆元年六月十八日奉  聖旨卿勲德並茂朕親  
撰堂樓額名以賜用示褒嘉未足以盡酬眷之意覽



奏謝知道了禮部知道

請稽查章奏隨事考成以修實政疏

臣等竊聞堯之命舜曰詢事考言乃言底可績臯陶  
之論治曰率作興事欽哉屢省乃成蓋天下之事不  
難於立法而難於法之必行不難於聽言而難於言  
之必效若詢事而不考其終興事而不加屢省上無  
綜覈之明人懷苟且之念雖使堯舜爲君禹臯爲佐  
恐亦難以底績而有成也臣等竊見近年以來章奏  
繁多各衙門題覆殆無虛日然敷奏雖勤而實効益  
鮮言官議建一法 朝迂曰可置郵而傳之四方則

言官之責已矣不必其法之果便否也部臣議釐一  
弊 朝廷曰可置郵而傳之四方則部臣之責已矣  
不必其弊之果釐否也某罪當提問矣或礙於請託  
之私槩從延緩某事當議處矣或牽於可否之說難  
於報聞徵發期會動經歲月催督稽驗取具空文雖  
屢奉 明旨不曰着實舉行必曰該科記着顧上之督之  
者雖諄諄而下之聽之者恒藐藐鄙諺曰姑口頑而  
婦耳頑今之從政者殆類於此欲望底績而有成豈  
不難哉臣居正當 先帝時曾上便宜六事內重  
詔令一欵亦嘗覺上言之隨該吏部題覆欲各衙門

皆立勘合文簿事下各撫按官皆明立程限責令完  
報然亦未聞有如期令而以實應者甚者寢格如初  
茲遇 皇上躬不世出之資勵精圖治百執事亦皆  
兢兢務脩其職業無敢以玩愒弛廢者蓋度幾手率  
作興事矣獨所謂考言屢省者尚未加之意焉竊恐  
致理之道有未盡也查得 大明會典內一欵凡六  
科每日收到各衙門題奏本狀奉 聖旨者各具奏  
目送司禮監交收又置文簿陸續編號開具本狀俱  
送監交收又一欵凡各衙門題奏過本狀俱附寫文  
簿後五日各衙門具發落日期赴科註銷過期稽緩

者奏又一款凡在外司府衙門每年將完銷過兩  
京六科行移勘合填寫底簿送各科收貯以備查考  
欽此及查見行事例在六科則上下半年仍具奏日  
繳本在部院則上下半月仍具手本赴科註銷以是  
知稽查章奏自是 祖宗成憲第歲久因循視爲故  
事耳請自今伊始申明 舊章凡六部都察院遇各  
章奏或題奉 明旨或覆奉 欽依轉行各該衙門  
俱先酌量道里遠近事情緩急立定期期置立文簿  
存照每月終註銷除通行章奏不必查考者照常開  
具手本外其有轉行覆勘提問議處催督查覈等項

另造文冊二本各註緊關畧節及原立程限一本送  
科註銷一本送 內閣查考該科照冊內前件逐一  
附簿候查下月陸續完銷通行註簿每於上下半年  
繳本類查簿內事件有無違限未銷如有停閣稽遲  
卽開列具題候 旨下各衙門詰問責令對狀次年  
春夏季終繳本仍通查上年未完如有規避重情指  
實叅奏秋冬二季亦照此行又明年仍復挨查必俟  
完銷乃已若各該撫按官奏行事理有稽遲延閣者  
該部舉之各部院註銷文冊有容隱欺蔽者科臣舉  
之六科繳本具奏有容隱欺蔽者臣等舉之如此月

有考歲有稽不惟使聲必中實事可責成而參驗綜覈之法嚴卽建言立法者亦將慮其終之罔效而不敢不慎其始矣致理之要無踰于此伏惟 聖明裁斷施行臣等不勝大願奉 聖旨卿等說的是事不考成何由底績這所奏都依議行其節年末完事件係緊要的着該部院另立期限責令完報若不係錢糧緊要及年遠難完的明白奏請開除毋費文移煩擾

考滿謝 賚銀幣疏

臣以六年考滿伏蒙 聖恩頒賜銀五十兩紵絲四

表裡原封鈔五千貫茶飯卓五卓羊三隻酒三十甌  
又特奉 聖諭先生啓沃朕心平治天下功已在

社稷茲當六年考滿特於例外加賜銀一百兩蟒衣  
斗牛各一襲少示優眷不必辭欽此該文書房官劉  
東恭捧到臣私寓臣謹焚香叩頭祇領訖伏念臣猥  
以庸流膺茲鉅畀致身紫閣荏苒已踰乎七暮竊祿  
清朝循省蔑聞乎寸補茲者恭遇我 皇上生知作  
聖神授當天臣旣慶曠世之奇逢復荷 先皇之重  
託每欲敷陳仁義奉 明主於三代之隆振肅紀綱  
布 皇風於八區之外而學慚啓沃才匪平章心雖

切於葵傾力實怪於菴負茲當再考曾匪一長方虞  
汰黜之必加豈意 恩私之橫及楮頒 內帑饌出  
天府上尊養羊絡繹在道白金綵幣炫爛充庭又歷  
聖藻之親裁 特降宸綸而賞獎隆以不名之禮加  
之異數之恩倬彼 靈章重寶真逾于朋百斯皇命  
服申錫奚啻于至三臣有何德能冒此榮寵分涯已  
過懼顛隕以非遙覆載難名將報酬之奚以惟當益  
堅精白矢竭衷丹放踵摩斯苟利 國家而奚惜銘  
心鏤竹惟安 社稷以爲圖臣無任激切感激之至

考滿辭



加恩疏

准吏部咨奉 聖旨元輔居正社稷重臣忠勤茂著  
茲六年考績朕心嘉悅着交正一品俸進中極殿大  
學士廢一子中書舍人給與應得誥命欽此臣聞  
命自天措躬無地伏念臣本以凡庸躡司馬軸自  
先朝受任以來謨承 優眷及 皇上嗣服之始更  
受 特知而臣上不能以皇王之道啓沃 聖心下  
不能紆紆遠之猷平章 國政敝風因循而未振實  
效踈濶而罔臻是臣莫副 倚毗之專而適叢瘵曠  
之咎也茲當課績方俟黜幽豈意 聖慈更加 隆

施昨者宸章賜獎已蒙踰例之恩今者綸音傳溫更荷非常之寵踴躍自省夢寐若驚夫無基而厚墉則圯傾立至器小而受鉅則覆滿隨因豈惟輿議之所共譏實亦天道之所必忌故往歲大賚加恩臣屢疏辭免幸蒙俞允乃少卽安今敢不避宸嚴再陳愚悃伏望皇上察臣素抱朴忠絕無矯飾特收成命俾圖後功庶國恩不爲濫施而羣工亦克用勸矣臣無任懇切祈望之至奉聖旨考績加恩朝廷盛典於勲德未足爲酬宜奉旨命不必再辭吏部知道

進講章疏

臣等一歲之間日侍 皇上講讀伏見 聖修益懋  
聖志彌堅盛暑隆寒緝熙罔間臣等備自輔導不勝  
慶幸但惟義理必時習而後能悅學問必溫故而後  
知新况今 皇上睿明日開若將平日講過經書再  
加尋繹則其融會悟入又必有出乎舊聞之外者臣  
等謹將今歲所進講章重復校閱或有訓解未瑩者  
增改數語支蔓不切者卽行刪除編成大學一本虞  
書一本通鑑四本裝潢進 呈伏望 皇上萬幾有  
暇 時加溫習庶舊聞不至遺忘新知日益開豁其

於 聖躬實爲有補以後仍容臣等接續繕輯進呈  
御覽仍乞 勅下司禮監鑄板印行用垂永久雖章  
句淺近之言不足以仰窺 聖學精微之奧然行遠  
升高或亦一助云爾

請定面獎廉能儀注疏

昨該吏部都察院欽奉 聖諭開具各在外廉能官  
員請照舊例宴賞該臣等於 文華殿 面奏伏蒙  
皇上親發玉音將各官別來朕面加獎諭欽此隨奉  
聖旨這廉能官着吏部都察院堂上官并吏科都給  
事中掌河南道御史引來會極門朕面加獎賞欽此

臣等竊惟致理之道莫急於安民生安民之要惟在於覈吏治前代令主欲興道致治未有不加意於此者如臣等前所進 帝鑑圖說中褒獎守令召試縣令諸事載之史冊以爲美譚我 太祖高皇帝每遇各地方官來京奏事常召見賜食訪問民間疾苦雖縣丞典史有廉能愛民者亦特差行人賞 勅獎勵或封 內醪金幣以賚之迨宣順弘治之間亦間舉宴賞之典故二百餘年重熙累洽興致太平實由於此恭遇 皇上天縱聖明勵精圖治茲當考察之初大明黜陟之典又特蒙 天語諭臣等欲引見廉能

官負破格獎賞仰窺 聖心蓋以深納臣等圖說所  
陳而遠追我 聖祖綜覈吏治之軌也 宗社生靈  
曷勝慶幸但此係 特典久未舉行且遠方外吏從  
來未覩 朝廷之禮若不先示以儀節使之演習恐  
一旦震怖 天威倉皇失措又非所以昭 德意光  
盛舉也伏乞 欽定行禮日期 勅下禮部略倣  
祖宗時御 會極門午朝之儀定擬簡便儀注上  
請 聖裁明示各衙門遵行庶臨期不致差誤且  
曠典肇舉 懿範昭垂貽之萬世永有烈光矣

奉

聖上着於十八日行禮部便具儀來看

謝

御筆大書疏

昨者伏蒙 皇上召臣等於 文華殿恭視 御書  
大字 賜臣居正宅揆保衡大書一幅臣調陽同心  
夾輔大書一幅六部都察院通政司大理寺堂上掌  
印官九員各正已率屬大書一幅日講官五員各責  
難陳善大書一副正字官各敬畏大書一副臣等今  
日 早朝後謹率同諸臣恭詣 會極門該司禮監  
太監曹憲恭捧 頒給俱叩頭祇領訖仰惟 皇上

睿哲人成 英明神授不惟 聖修之學已造於精  
深雖於翰墨之微亦臻夫佳妙臣等前此雖日侍  
左右恭視倣寫然未嘗見 御筆大書如是之妙筆  
意飛動若驚鴻矯鳳之飛翻體格莊嚴嚴周鼎商彝  
之陳列且二十餘紙八十餘字咄嗟之間揮筆立就  
初若不經意而鋒穎所落奇秀天成臣等恭觀仰觀  
心悚神駭祇深欽忭莫罄揄揚今日 頒給九卿諸  
臣亦莫不相顧驚嘆歎呼頌仰誠曠世之奇逢間代  
之鴻寶也謹當與諸臣慶戴 殊恩對揚 休命共  
竭薦鈍仰佐 熙明臣等無任欣喜踴躍之至



謝

恩賚父母疏

欽蒙 聖諭朕聞先生父母俱存年各古稀康健榮  
享朕心嘉悅特賜大紅蟒衣一襲銀錢二十兩又玉  
花墜七件彩衣紗六疋乃奉 聖母恩賜咸欽承着  
家僮往賚之外銀錢二十兩是先生的欽此該文書  
官劉東萊捧到 閣臣謹叩頭祇領訖伏以 繪紵  
疏榮疊荷 尚方之特賜庭闈錫類載分 長樂之  
餘歡 恩出非常感 極竊念臣猥從寒薄蹟致  
台司自惟一介之侗愚寔本二親之訓育晨昏久曠

靈忘不寐之懷雲日長瞻適獲俱存之幸稀齡並后  
封誥重膺謂已藉君父之厚榮足以慰人子之至  
願豈意宸衷之軫念載承聖母之推恩敷天  
語以丁寧觀奎章而燦爛金錢錯落重頒百鎰之  
珍綺縠方空兼備六珈之飾忽從天上遙落人間  
慈光借賁于桑榆湛露下霑于草莽考之前史惟  
唐元振宋王溥登輔相在雙親偕老之年稽諸本  
朝惟原吉母李賢父蒙存問於二子得君之日然  
未有寵榮烜赫賚于駢蕃如臣遭際之極盛至  
隆者也此蓋伏遇皇上神聖宅中寬仁逮下

欽 五位康寧之福錫厥庶民推 兩宮尊養之心  
刑于四海遂令微陋存被 恩施以及怙恃之私並  
沐 生成之造士而知已許身尚不為難臣之受  
恩捐軀豈足云報謹當欽承 聖貺戒僮僕以星馳  
歸奉親歡傳子孫為世寶仰 天顏之咫尺守庭訓  
以周旋身體髮膚苟利 國家而何惜股肱元首庶  
希喜起以交孚

謝

宸翰疏

昨該臣等以翰林院所產白燕及 內閣嘉蓮進

獻隨奉

手諭白燕蓮

供進獻

聖母甚是嘉

悅却獨產翰林院中先開於密勿之地

上天正假

此以見先生爲

社稷祥瑞花中君子朕賴先生啓

沃固不敢顛縱何德之有欽此恭惟

聖母德配坤

元含萬彙而發育

皇上道隆乾運躋四海於并平

協氣薰蒸

休禎駢集乃猶

戕鴻工於不宰遜大

美而弗居

特渙溫綸謬申

眷獎此誠

聖不自

聖謙而又謙之心也顧臣猥以庸虛叨司鼎鉉爰調

靡效敢貪

天功以自私歌頌難名真忘

帝力於

何有捧誦

綸音不勝感戴愧悚之至

進實錄辭免

加恩疏

准吏部咨節奉

手勅

皇考實錄修完朕心嘉悅

總裁輔臣張居正着兼支尚書俸廩一千做中書舍人如勅奉行欽此備咨到臣臣聞命自天措躬無

地仰惟

皇考穆宗莊皇帝駿德鴻功增光

列祖

睿謨懿行垂範百王臣祇奉

明綸總司紀錄徒慙

淺陋莫罄揄揚不加譴訶已爲榮幸豈敢復萌希覬之想以重瘵素之尤夫祿以奠食必有兼人之能而後可以食兼官之祿廕以酬勞必有超世之功而後

可以蒙延世之賞臣謬以淺薄得效編摩載筆操觚  
乃詞臣之常職耳有何勤勞可當懋賞且頃者屢奉  
溫旨宴資駢蕃 恩禮優渥藉曰酬勞不啻厚矣况  
本無勞何可踰冒故昨者欽奉 聖諭令臣等擬  
勅加恩監修總裁官臣再三退避不敢自擬仰蒙  
天語諄諄復差文書官傳 諭同官大學士呂調陽  
另擬必欲令臣同霑 恩命而其所擬乃又越分超  
等及出諸臣之上將使臣益跼踖惶汗而不能自宣  
也伏望 皇上鑒臣悃誠素無矯飾收回 成渙  
特賜名俞俾臣得少效犬馬之微勤不至速膺顛之

重咎則 皇上遂臣之志保臣之終九遷百朋不足  
以喻其榮重矣 奉

聖旨 皇考功德紀述詳實卿總裁首臣勤勞爲多  
加恩已有成命宜卽勉承不必固辭吏部知道

再辭

恩命疏

頃以纂修 穆宗莊皇帝實錄告成荷蒙 聖恩曲  
軫微勞 勅加封廕隨該臣具本辭免奉 聖旨  
皇考功德紀述詳實總裁首臣勤勞爲多加恩已有  
有成命宜卽勉承不必固辭吏部知道欽此 天聽

莫回冰兢愈至竊以有勞必錄者。明主厚下之仁。敬事後食者人臣奉公之節。夫臣之於君事無大小。孰非所當盡心畢力以爲之者。爲之而有功。分義當然。勞於何有爲之而無功。譴責是虞。矧敢他覲。故人臣進不敢以其能要利于上。退不敢以其事尸功於已。此事使之大分。古今之通義也。臣以草茅孤介。荷先帝顧託之重蒙。皇上眷遇之隆。夙夜皇皇。慮無以報。藉使臣有奇勲異能。銘之太常。勒之鐘鼎。其於臣子分義。固未能有加。秋毫之末也。况纂修之役。不過從事於楮墨觚翰之間。又非有執殳荷戈之勞重。



鉅艱危之任也而遂以此施勞於已徼寵於上其  
母乃非人臣自處之義乎且履盛處盈古人所戒臣  
叨忝已極涯分已踰若冒竊不止必致殃咎故在諸  
臣可受而臣獨不可受也伏望 皇上察臣之愚  
曲賜俞允因以明君臣分義于天下使爲人臣者皆  
知盡心所事而不敢萌希覬之心則臣節純而主  
道立矣臣屢冒 天威不勝戰悚隕越之至

奉

聖旨卿每事有功不居屢辭恩命茲又惓惓以君臣  
分義爲言且見忠貞大節特准辭廕以成卿美兼俸

可勉承之稍存舊典吏部知道

遼東大捷辭

恩疏

昨該兵部覈叙遼東功次濫及臣等請加恩賚已  
卽具揭辭免茲奉 聖諭遼東大捷非常皆卿等運  
籌之功例宜陞廕還擬勅來行欽此 恩綸寵被敢  
不遵承但臣等竊惟慶賞之典激勸攸關必當其功  
乃可服衆茲者遼左之捷實仰賴我 皇上聖武昭  
布 神威震疊一時文武將吏遵奉 廟美同心戮  
力之所致然論其力戰之功尚當以將士爲首故臣

等昨者擬票。加恩該鎮諸臣首叙總兵。賜賚獨厚。雖總督巡撫身在地方親理戎務者亦視之有差。誠以摧鋒陷堅躬冒矢石本諸將士之力固非坐而指畫者所可同也。况如臣等身不出乎禁闥足不履乎戎行雖曾借筭效畫演。綸授事不過奉英王之睿謨效閣臣之常職耳。乃欲緣此遂攘以爲功。昇叨恩寵則九邊之士聞之必將曰我輩披堅執銳千辛萬苦乃得一級之賞而彼乃掠而有之。武夫力而獲諸原書生坐而享其利不惟以功蒙賞者不知所勸而旁觀逃聽之人亦將憤憾而不平矣。非所

以昭大公明激勸也矧昨者 皇上以大捷告 廟  
自引冲年涼德而以成功歸之 祖宗列聖夫以  
皇上之明聖猶不肯自以爲能必歸之 烈祖臣等  
何知乃敢貪天之功以爲己力乎且閣臣以邊功受  
賞亦自近時有之非我 祖宗朝盛德事也臣等反  
覆思惟 加恩一節斷不敢當伏望 皇上俯鑒臣  
等愚悃絕無一毫矯飾竟寢其事免令臣等撰 勅  
因以明 朝廷大公之典作九邊將士之氣其於  
聖政亦爲有補所有原奉 聖諭一道謹收藏 閣  
中以彰 天眷臣等不勝感戴悚慄之至

奉

聖旨卿等所奏誠意懇切准辭免各賜銀一百兩絲段四表裏大紅紵絲蟒衣一襲稍示眷酬

謝

御劄獎勵疏

昨該臣等以大捷 加恩具疏辭免奉 聖旨卿等所奏誠意懇切准辭免各賜銀一百兩絲段四表裏大紅紵絲蟒衣一襲稍示眷酬欽此臣又特奉 御筆 勅諭元輔張少師 朕以幼冲嗣位賴先生匡弼啓沃四方治安九邊寧靖我 祖宗列聖亦屢知

先生之功就加顯爵不爲過乃屢辭恩命惟一誠輔  
國自古忠臣如先生者罕朕今知先生實心不復強  
特賜坐蟒衣一襲銀錢五十兩以示優眷申成先生  
美德其欽承之故勅欽此該文書官太監劉東恭捧  
到臣私寓臣謹叩頭祇領不勝感泣竊念臣山澤之  
賤庸也不自意徵時厚幸致身台鼎遭逢 英主龍  
飛又謬以章句淺陋爲 帝者師其中倚託之重契  
合之深雖在 廷之臣猶有不及知者每自思惟士  
爲知己者歿古俠客者流急人之難旣已存亡生歿  
矣而猶不以其能不望其報况臣之於君有不可逃

之分受不能報之恩者乎今以臣之遭遇如此而不思畢忠竭力以圖稱塞或雖忠於所事而有一毫計功謀利徼寵覬恩之心則爲俠士之弗如故自臣當事以來夙夜兢兢恒欲使功浮於食事過所受犬馬之心於是乃安其抗違 恩命冒瀆 宸嚴至於屢控而不已者實以愚抵此耳仰荷 聖慈特垂俞允又 親灑宸翰 曲賜褒嘉諒其實心不復相強是皇上之知臣也以心而不在於爵祿榮縻之厚微臣之遇 主也以道而非由於要寵竊祿之私此古之聖賢豪傑所爲夢想而不獲一覩者也臣何緣何幸

有此遭際至於坐蟒乃尊貴之服臣下之可偕于  
金錢乃玉府之珍非貪士之所宜有殊恩特賚更  
踰分涯臣又將何修何爲可以報稱繼自今惟當益  
堅精白矢竭衷丹惟社稷之是圖何髮膚之可惜  
更願皇上終鑒愚誠曲成微志凡非分之思踰  
格之賞勿復濫及以畢臣惓惓圖報之忱苟遂其  
愚夙無所憾

進職官書屏疏

竊以安民之要在於知人辨論官材必考其素顧人  
主尊居九重坐運四海於臣下之姓名貫址尚不能



知又安能一一別其能否而黜陟之乎朝著之間百  
司庶府尚不能識又安能旁燭於四方郡國之遠乎  
考之前史唐太宗以天下刺史姓名書於御座屏風  
坐臥觀覽唐宣宗知涇陽令李行言之賢書其名於  
殿柱不次擢用我 成祖文皇帝嘗書中外官姓名  
於 武英殿南廊 仁宗昭皇帝亦命吏部尚書蹇  
義兵書尚書李慶具各都司布政按察司官履歷揭  
於 奉天門西序良以輿圖遼廓官府分羅身旣難  
以遍歷故託之標記以廣其明知旣難以周知故操  
其要約而運諸掌君心也臣股肱耳目也入之一心

雖賴股肱耳目以爲之視聽持行而心之精神亦必  
常流通於股肱耳目之間然後衆體有所管攝而各  
效其用此明君所以總條貫而御人羣之要道也仰  
惟 皇上天挺睿明勵精圖治今春朝覲考察 親  
獎廉能頃者吏部奏除 躬臨銓選其加意於吏治  
人才如此顧今天下疆里尚未悉知諸司職務尚未  
盡熟雖欲審別其道無由臣等思所以推廣 德意  
開發 聖聰者謹屬吏部尚書張瀚兵部尚書譚綸  
備查 兩京及在外文武職官府部而下知府以上  
各姓名籍貫及出身資格造爲 御屏一座中三扇

繪天下疆域之圖左六扇列文官職名右六扇列武  
官職名各爲浮帖以便更換每十日該部將陞遷調  
改各官開送 內閣臣等令中書官寫換一遍其屏  
卽張設於文華殿後 皇上講讀進字之所以便朝  
夕 省覽如某衙門缺某官該部推舉某人卽知其  
人原係某官今果堪此任否某地方有事卽知某人  
見任此地今能辦此事否臣等日侍 左右 皇上  
卽可 親賜詢問細加商確臣等若有所知亦得面  
盡其愚以俟 聖斷一指顧間而四方道里險易百  
司職務繁簡一時官負賢否舉莫逃於 聖鑒之下

不惟提綱挈要便於觀覽且使居官守職者皆知姓名常在 朝廷左右所行之事皆得達於 宸聰其賢者將兢兢焉爭自淬勵以求見知於 上不才者亦將凜凜焉畏 上之知而不敢爲非 皇上獨運神智坐以照之垂拱而天下治矣臣等謹將所製職官 御屏一座隨本上 進伏乞 勅下該衙門進收如法張設恭請

聖明俯覽以少盡臣等因事納忠之誠

奉

聖上覽卿等奏進職官書屏欲朕周覽與圖審察衆

職誠知人安民要務具見匡弼之忠朕心深用嘉悅  
圍屏着進收設於文華殿後以便朝夕省覽該衙門  
知道